



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 6. Lacrymæ pro peccatis suadeatur, laudantur. Ex Veteri, & Novo. Ex Patribus & aliis.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

entem: aquæ calidæ; id est, lacrymæ; mon-
strant pœnitentis contritionem; solitudo verò
vitam solitariam pœnitentis, seu meditationem.
S. Bonavent. diæt. sal. c. 10.

*Erit tanquam lignum, quod planta-
rum est secus decursus aquarum. Non sic
impii, non sic; sed tanquam pulvis* Pl. 1. 3.
4. Tota iusti felicitas ab adjunctis oritur aquis.
Sed pulvis unde poterit sibi acquirere solidita-
tem, nè à vento rapiatur? sanè ab adjuncta la-
crymarum aqua. Bæzat 1. 2. l. 8. c. 3. §. 30.

Lavabo per singulas noctes &c. Pl. 6. 7.
Lavatur cor lacrymis compunctionis. S. Thom.
Aqua. in Jer. c. 4.

Defecerunt oculi mei &c. Pl. 118. 82.
Oculi sunt quasi loculi solutionem debitam de-
ducentes, scilicet lacrymas. S. Bonav. hic.

*Oculi ejus sicut columba quæ residet iux-
ta fluentia plenissima.* Cant. 5. 12.

*Iniquitates vestrae diviserunt inter
vos et Deum.* Il. 59. 2. At ubi nubes dis-
solvitur, & in tenues guttas, quasi lacrymulas,
depluit; illicò cœlum serenatur. Quæ suapte
ingeniò amara, ac falsa, prius aquæ è mari in nu-
bem concreverant, in dulcia stillicidia resol-
vuntur: imò & fulgura iræ divinæ, pluvîa la-
crymarum ingruente, cessant. Incert. auth.

*Tu autem cum sei unam faciem tuam
lava.* Matth. 6. 17. Si faciem tuam lavare de-
sideras, lacrymis eam abluo; Et suspirijs, ac
fletibus, eam lavato: ut in conspectu Dei, &
sanctorum angelorum ejus, cum gloria & clari-
tate, resplendeat: nam facies, quæ lacrymis ab-
luitur, immacessibilem pulchritudinem acquirit.
S. Ephrem ferm. ascetico apud Bæzam t. 3. l. 14.
c. 9. §. 10.

Ex Patribus, & aliis.

Humiliū fletus magnus est concupiscentiæ
carnalis interitus. Lacrymæ, quæ ex cordis com-
punctione veniunt; & inimicum vincunt, &
nobis donum triumphalis lætitiæ acquirunt. B.
Fulgentius ep. 3. ad Probam de Virginit.

Peccata tua in libro scripta sunt; spongiæ
autem instar sunt lacrymæ tuæ: lacrymas mitte,
& obliterantur. Magna peccatorum spongia
sunt lacrymæ. S. Chrysost. in Pl. 50. Magna
peccatorum spongia sunt lacrymæ. ibid. Ro-
gum peccatorum extinguimus, non jam aquis
multis, sed parvis cum lacrymis: multus enim
peccati ignis; atque modica eum extinguit la-
cryma. Idem hom. 5. de pœnit.

Inquinati post aquas salutis renascamur ex la-
crymis. S. Greg. hom. 21. in Evang.

Pœnitentia est sicut aqua calida contra canes;
& maxime quantum ad contritionem: sicut
enim cum aqua calidâ ejicitur canis de coquina;
sic cum aqua lacrymarum ferventium ejicitur
diabolus, & peccatum, de anima. S. Bonav. diæt.
sal. c. 10. Aqua compunctionis est aqua bene-
dicta, per quam sanctificamur; & abluuntur
peccata. Idem ferm. 3. de Dedic. Eccl.

Quemadmodum aqua delet literas, ita & lacry-
mæ abolere peccata solent; Joan. Climac. gr. 16.

Baptizari iterum non possumus; & tamen
vice Baptismatis contra quotidiana peccata quo-

tidianum fontem lacrymarum habemus. Etsi sa-
pius baptizari prohibemur per aquam; nun-
quam prohibemur per pœnitentiam. Hugo à
S. Vict. in Pl. 41.

Dum omnino tuus fueris, tunc illis (la-
crymis) utere; illis te inebria, illis te refice,
suavissimum tibi balneum mentis in illis fre-
quenter tibi instrue. Gerson opus. de relig.
perfect. confid. 19.

Sapientissimè Deus oculos fletus instrumen-
tum esse voluit: ut, quò vitiōrum sordes hau-
riuntur, eodem per lacrymas diluantur. Drexel.
Nicet. l. 1. c. 7.

Lacryma vitis, lepras &c. nitro antè præ-
paratas, sanat. Plinius l. 23. in prom.

§. V.

Lacrymæ avertunt iram Dei, & pœnas.

*Apparuit elibanus fumans, lampas ignis
transiens inter divisiones illas.* Gen.
15. 17. Divisiones adurit ignis, sed avibus non
propinquavit. v. 10. Notavit hoc S. Augustinus
de Quinquas: ignis iste inter divisiones illas tran-
siens dicitur; turtorem, & columbam, teigisse
non legitur. Cur turturi & columbæ, parit?
quia noti gemitus aves: ubi gemitus, flamma non
appropinquat. Naxera in Jos. 15. §. 33.

Magnus profectus est lacrymarum. Quando
servus propitiatur Domino; filius lacrymis mi-
tigat patrem; & asperam matrem plorans mulcet
parvulus: ita & peccator profusus fletibus remo-
vet iram Dei. S. Eligius hom. 11.

Fulmineus ignis nullâ quandoque aquâ exin-
gui valet: aqua lacrymarum extinguitur divinæ
justitiæ fulmen. Doultreman de amore l. 1. c. 1.
sect. 6.

Pierius in Hierogl. l. 28. c. 82. refect. Se-
miramidi persuasum, margaritas genis inhæ-
re, quas exporrectus lacrymas deprehendit.

Imber Lem: *Temperat æstus.* Seneca in
Troade Act. 3. Fletus ærumnas levat. Pi-
cinelli.

§. VI.

*Lacrymæ pro peccatis, suadentur, lau-
dantur.*

Ex Veteri, & Novo.

Effuderunt in conspectu Domini aquam.

1. Reg. 7. 6. In signum pœnitentiæ, quæ per-
fectè idololatriæ, & peccatis renuntiârunt. q. d.
sicut aquam hanc, sic & cor nostrum, omniâque
ejus vitia, effundimus coram Domino; profiten-
tes, non ea detestari, pœnitere & aquam hanc
vice lacrymarum fundere. Oparemur pro pec-
catis tot lacrymas fundere, quot sunt guttæ in ti-
tula. Sed quia id facere nequimus, hinc pro eis
aquam effundimus. Cornelius hic.

Lavabo per singulas noctes &c. Pl. 6. 7.
Nè putetis, nè cum hæc semel fecisset, deinceps
se quieti tradiderit: est enim hæc spes nostra
maxima, & laxamentò usus sit: sed hoc assidue
fecit per totam vitam: non sicut nos, qui uno
die, ut plurimum laborantes; atque adeo nè
unò quidem, nos ipsos risui, voluptati, & otio,
tradi-

tradimus. S. Chrysoft. hic. En ostendo tibi lectum B. David. Qualis igitur erat ille? non argentò, & aurò; sed undique lacrymis, & confessione erat exornatus. Hæc ipse fateretur: *lavabo &c.* Itaque vice margaritarum undique lacrymis erat distinctus. S. Chrysoft. hom. i. de Lazaro.

Laboravi in gemitu meo. Ps. 6. 7. Id est, tam ingenti fletu peccata mea deflevi, ut fatigatus sim. In quo speculo se intueri deberent, qui plurima, & gravissima, peccata committunt; & vix paucas lacrymæ guttas emittere valent, cum remissionem à Deo quarunt. Bellarminus hic.

Fulgura in pluviam fecit. Ps. 134. 7. Nubes, caligo confusionis; sed fulgur terror majestatis; pluvia fletus compunctionis: prius enim ante mentis nostræ oculos turpitudinis memoria reducitur, postmodum in eorum recordatione divini terroris formidine concutitur; tandem inter confusionem, & formidinem, deprehensa in fletu compungitur. S. Bonavent. hic.

Super ubera plangite, super regione desiderabili: super vinea fertili. Il. 32. 12. q. d. plangite, quia propter peccata vestra avulsi estis à divinis uberibus; nec fugitis lac divinæ consolationis. Plangite super regione desiderabili; quia exules facti estis à regione beatorum. Plangite super vinea fertili; quia potiores Ecclesiæ fructus non participatis, quamdiu membra ipsius mortua estis. De Ponte in Cant. 1. Exh. 12. §. 5.

Beati qui lugent. Matth. 5. 5. Non mortuum, non jacturam; sed peccatum. S. Chrysoft. hom. 22. ad pop. Euthymius, Theophylactus, Paschasius, V. Beda, qui ob charitatem lugent propria, & aliena peccata. In illum luctum sensum horum verborum trajicio, qui de offensione divina procedit; qui, cum offensus est DEUS, deberet inhaustibilis venâ defluere: cum nihil aliud sit fletu, & amaro luctu, dignum; nisi cum rerum creator offenditur. Simon Cass. l. 10. cap. 6.

Noli flere. Luc. 7. 13. Prohibet fletum suscitaturus mortuum: mors quippe causa fletus erat. Et nihil fletus causa, quam spiritalis mors; nihil plangendum ab hominibus, quam peccatum. Vult Deus fletum fieri pro spiritalibus malis; non autem pro corporalibus damnis. Idem l. 5. c. 15. Cum multa sint lacrymarum genera, istæ istius tenuerunt optimam partem. Sunt enim aliquæ prodeuntes ex poenali miseria; & quædam proveniunt ex miseria culpabili, & iniquâ; & utiliores, imò necessariæ sunt. In his hæc mulier exordium fecerat. Sunt, quæ effundentem non respiciunt; eò quod sit poenâ mulcendus ex crimine; sed tantum, quia offensus est Deus. Id. l. 9. c. 28.

Lacrimis cepit rigare pedes ejus. Luc. 7. 38. En mutatur ordo rerum: pluviam terræ dat cælum semper: ecce nunc rigat terra cælum. O quanta vis in lacrymis peccatorum! rigant cælum, terram diluunt, extinguunt gehennam. S. Chryf. f. 93.

Mulier quid ploras? Joan. 20. 15. Quærit Polyantb. Sac. Tom. I.

ut homo, qui omnia sciebat ut Deus. Noverat, cur plorabat; sed interrogatio ampliores provocat ad lacrymas. Id. l. 14. hic.

Exivit sanguis & aqua. Joan. 19. 34. Non ille solus, sed comitatus aqua. Hinc instruimur; id à nobis in omni mortificatione, jejuniis, agi oportere; ut sanguinis comes semper sit aqua lacrymarum, & compunctionis. Jejunare, nec meliorem vitam vivere, inanis fatigatio est. Didacus Niss. f. 2. die Ciner.

Ex Patribus, & aliis.

Ubi verò à fundo arcano alta consideratio contraxit, & congeffit totam miseriam meam in conspectum cordis mei; oborta est procella ingens, ferens ingentem imbrem lacrymarum. Et ut totum effunderem cum vocibus suis; surrexi ab Alipio, & secessi remotius, quam ut posset mihi onerosa esse etiam ipsius præsentia. Mansit ergo ille, ubi sedebamus, nimis stupens. Ego sub quadam fici arbore stravi me nescio quò modò; & dimisi habenas lacrymis; & proruperunt flumina oculorum meorum, acceptabile sacrificium tuum; & non quidem his verbis, sed in hac sententia multa dixi tibi &c. S. August. Confess. l. 8. c. 12.

Flevit & contristatus est propter me, gaudium meum, imò gaudium Angelorum Dominus IESUS. Audis cor non carneum, sed lapideum, illum magnum Jesum, & optimum, in diebus carnis suæ, quam pro me redimendo assumpsit, lacrymis immaduisse; & adhuc aridum permanes? O cor durum! audis commoveri pro me ad lacrymas illum, qui in æternum stat, & non commovebitur: nec adhuc tu ad lacrymas commoveris. Addam & ignem charitatis, & Passionis sanguinem; si forte calefas, si emolliaris; ut dulcissimo IESU pro lacrymis suis, & sanguinis effusione, solas saltè lacrymas rependas. Adhuc addam & malleum gravem, & cuneos ferreos incutiam tibi, ut scindaris &c. S. Bernard. tr. de Pass. d. c. 33.

Ploremus hic paululum, ut non plangamus illis æternum. S. Ephrem. f. de compunct. animi.

Qui pro temporalibus incommodis lacrymas affluenter effundit, & peccatorum lacrymas novit; ipse sibi testis est, quia non verè de peccatis dolet. S. Thom. Vill. f. 6. d. 4. Quadr.

Nihil penitus aliud fletu, & amarissimo luctu, dignum, nisi cum offenditur Creator omnium rerum. Incert. Auth.

§. VII.

Lacrymis non abutere, non ob fuitiles causas.

Ex Veteri.

Divisitque aquas, quæ erant sub firmamento, ab his, quæ erant super firmamentum. Gen. 1. 7. Divisio, & discrimen, lacrymarum; quædam in imo subsidunt, hoc est, propter terrenos eventus effunduntur, propter paupertatem, angores, morbos, dolores, filiorum, & amicorum, mortem. Aliæ verò in altum sublatæ, velut in firmamentum mutantur;

M m m m m cūa